

## LAMPIRAN PEMBERITAHUAN PRODUK untuk Insurans Pembantu Rumah

**NOTA PENTING: Sila baca Lampiran Pemberitahuan Produk ini sebelum anda memutuskan untuk mengambil Polisi Insurans Pembantu Rumah. Pastikan anda juga membaca dengan terperinci terma-terma and syarat-syarat amnya.**

### 1. Apakah produk ini?

Polisi ini melindungi pembantu rumah anda yang sah terhadap kematian atau hilang upaya disebabkan kemalangan luaran yang serius dan nyata (Kemalangan Diri). Selain itu polisi ini juga melindungi:-

- Perbelanjaan Hospital dan Pembedahan
- Perbelanjaan Penghantaran Pulang
- Jaminan Kesetiaan
- Liabiliti Diri

### 2. Apakah perlindungan/faedah yang diberikan?

Anda boleh merujuk kepada borang cadangan untuk maklumat terperinci. Tempoh perlindungan lazimnya adalah selama dua tahun.

### 3. Berapakah jumlah premium yang perlu saya bayar?

Premium bagi perlindungan 2 tahun adalah RM126.00

Nota: Premium yang dinyatakan adalah termasuk 0% GST dari 1 Jun 2018.

### 4. Berapakah yuran dan caj yang perlu saya bayar?

Yuran dan bayaran yang anda perlu bayar adalah:

Jenis	Amount
Cukai Perkhidmatan	6% daripada premium
Duti Setem	RM10.00
Komisen ejen apabila melibatkan seorang pengantara	25% daripada premium

### 5. Apakah terma dan syarat utama yang perlu saya tahu?

Kepentingan membuat Pendedahan

- (i) MENURUT AKTA PERKHIDMATAN KEWANGAN 2013, Seksyen 129, Jadual 9, Perenggan 5: Adalah menjadikan kewajipan pengguna untuk mengambil penjagaan munasabah untuk tidak membuat salah nyataan kepada penanggung insurans berlesen semasa menjawab apa-apa soalan yang diperlukan yang berkaitan dengan keputusan penanggung insurans sama ada untuk menerima atau tidak risiko dan kadar dan terma yang hendak dipakai.
- (ii) Pematuhan syarat-syarat polisi – kegagalan untuk mematuhi mana-mana syarat polisi akan menyebabkan semua tuntutan menjadi tidak sah.
- (iii) Syarikat adalah berhak untuk membuat pemeriksaan bedah siasat ke atas pembantu rumah yang diinsuranskan sekiranya berlaku kematian.
- (iv) Apabila berlaku sebarang kemalangan yang mungkin menimbulkan tuntutan di bawah polisi ini, anda mestilah memaklumkan kepada Syarikat secara bertulis seberapa segera yang boleh dan jikalau tidak AmGeneral tidak akan bertanggungjawab bagi sebarang kematian yang tidak dimaklumkan dalam tempoh satu (1) bulan kalendar selepas berlaku kemalangan/kejadian.

### 6. Apakah pengecualian utama di dalam polisi ini?

Polisi ini tidak melindungi kerugian tertentu seperti:

- Risiko keganasan dan peperangan;
- Sindrom Kurang Daya Tahan Melawan Penyakit (AIDS) atau penyakit Kompleks Berkaitan AIDS (ARC);
- Melahirkan anak atau keguguran atau sebarang keadaan pra-wujud;
- Melakukan atau cuba untuk melakukan sebarang tindakan yang menyalahi undang-undang;
- Bunuh diri atau kecederaan diri sendiri yang disengajakan atau sebarang percubaan seperti itu ketika siuman atau tidak siuman;
- Membuat penerbangan atau perjalanan dalam pesawat melainkan sebagai penumpang berbayar dalam pesawat komersial berlesen mengikut laluan yang dijadualkan;
- Pengaruh alkohol atau dadah yang tidak dipreskripsikan oleh pengamal perubatan berdaftar;
- Semasa terlibat dalam sukan musim sejuk, sebarang bentuk perlumbaan selain daripada menggunakan kaki, mendaki gunung yang melibatkan penggunaan tali, menunggang motosikal;
- Sebarang perbelanjaan di bawah perbelanjaan hospital dan pembedahan tidak akan dibayar sekiranya berlaku dalam tempoh 30 hari dari tarikh berkuat kuasa polisi.

*Nota: Senarai ini tidak menyeluruh. Sila merujuk kepada kontrak polisi untuk senarai penuh pengecualian yang terkandung di bawah polisi ini.*

### 7. Bolehkah saya batalkan polisi ini dan apakah caranya untuk membatalkan?

Anda boleh membatalkan polisi anda dan sekiranya polisi dibatalkan dalam tempoh 6 bulan dari tarikh polisi dikeluarkan, bayaran balik premium adalah 50% daripada premium yang dibayar. Bayaran balik premium tidak akan dibayar sekiranya polisi dibatalkan selepas 6 bulan dari tarikh polisi dikeluarkan.

**AmGeneral Insurance Berhad** (44191-P)

Ahli Kumpulan AmBank

Menara Shell, No. 211, Jalan Tun Sambanthan, 50470, Kuala Lumpur, Malaysia. Peti Surat 11228, GPO Kuala Lumpur, 50740 W.P. Kuala Lumpur, Malaysia. 0918

Tel: 1-800-88-6333 Emel: customer@kurnia.com Laman Web: www.kurnia.com

(No. Daftar Cukai Perkhidmatan: B16-1808-31015443)

**8. Apakah yang perlu saya lakukan sekiranya terdapat perubahan di dalam butiran perhubungan saya?**

Adalah penting bagi anda memaklumkan kepada kami tentang sebarang perubahan kepada maklumat terperinci anda bagi memastikan yang kesemua surat-menyurat sampai kepada anda tepat pada waktunya.

**9. Di manakah boleh saya mendapatkan maklumat lanjut?**

Untuk sebarang pertanyaan, sila hubungi kami di:

**AmGeneral Insurance Berhad**

Menara Shell,  
No. 211, Jalan Tun Sambanthan,  
50470, Kuala Lumpur,  
Malaysia

Talian Bebas : 1-800-886-333  
Faks : 03-2268-2222  
E-mel : [customer@kurnia.com](mailto:customer@kurnia.com)  
Laman Web : [www.kurnia.com](http://www.kurnia.com)

**10. Jenis perlindungan insurans Am lain yang tersedia:**

Sila rujuk cawangan dan ejen-ejen kami untuk maklumat mengenai jenis-jenis perlindungan seumpamanya yang disediakan.

**NOTA PENTING:**

**ANDA HARUS BERPUAS HATI YANG POLISI INI AKAN MEMENUHI KEPERLUAN ANDA SEBAIK MUNGKIN. ANDA SEPATUTNYA MEMBACA DAN MEMAHAMI POLISI INSURANS INI DAN BERBINCANG DENGAN EJEN ANDA ATAU MENGHUBUNGI TERUS SYARIKAT INSURANS UNTUK MAKLUMAT LANJUT.**

AmGeneral Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Informasi yang dibekalkan dalam lampiran pemberitahuan ini adalah sah pada 1 September 2018.